

**826.**

1435 Juli 10

***Nickel von Mere und Turnayl übernehmen eine Bürgschaft für die unmündigen Kinder des Sangners.***

*fol. 149v* Actum anno domini MCCCCXXXV<sup>to</sup> dominica die septem fratrum synt komen in unsern rath Nickel vom Mere und Turnayle und habin globit vor eyn gewere vor dy unmundigin kynder Sangners von eyns agkers wegin, gelegen am anger, den on Nickel, Mattes Swarczenberges bruder, abegekauft hat umbe 10 ß 15 gr, das dy gnantin kinder adir ire erbin om und synen erbin nymmir darin geredin noch gesprechen sullen an arg und an geferde.

Auch habin Sangners kinder, Casper und Nickel, und Nickelz wip vom Mere globet, ab dy werburgin eynir adir mer abstorben, das sy om andere alzo gute burgin wydir seczczin wollen yn eyn mandin, alz dy erstin gewest weren.

**827.**

1435 Juli 30

***Nickel Clingner gelobt die Rückzahlung von Schulden.***

*fol. 149v* Actum sabbato ante ad vinculam Petri anno etc. XXXV<sup>to</sup> hat Nickel Clingner globet by schult und busze by truwen und eren yn eydis stad, das er alz morgin obir acht uzrichtinge thun wolle Nicol Taschzin umbe syne schult, darumbe er ym geantwort ist. Geschee des nicht, so hat er gekort by syme eyde uff den tag yn eyn gemeyn herberge czu gehin und daruz nicht zu komen, er thu om denn eyn gnüge umbe syne schult. Wo er des so nicht enhilde, so hat er gekort, das er wolle truweloz, meyneydig und in sachin gancz gewonnen syn, und desze kor sal Taschzin unschedelich syn an syme haubtbriffe apud proconsulem Wetterhan et suorum consedentium etc.

<sup>(a)</sup>Auch so hat er<sup>(b)</sup> bekanth, das er om besundern schuldig sy 44 gulden, darumbe er sich vorkort hat, alz obin geschr(ieben) stehit. Gereth und globit, das er sich keyn Taschzin mit keynirley wydir geistlich noch wertlichin mit nichte behelffin wolle an argk und an geferde und vordir keyn czerunge machen.<sup>a)</sup>

*a-a) Zusatz b) über die Zeile geschrieben, ersetzt durchgestrichen om*